



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

26 e Policarpus Bischoff zû Smirna vnd Marterer.

urn:nbn:de:hbz:466:1-41449

Januarus

Item der heyligen Marterer Iulientini vnd Maximi/von welchen S. Chrysoftomus an ihrem Geburts- tag ein Predig gethan.

e vij. Calendas Februarij.

Der XXVI. Tag im Jenner.

In der Statt Smyrna/ ist heut der Tag des heyligen hochgelobten Bischoffs vnd Marterers Policarpi/welcher ein Jünger des heyligen Apostels Johannis/ vnd von ihm zum Smyrnensischen Bischoff gesetzt/ auch aller Christen in Asia Beschützer vnd Haupt war. Hat grossen nutz mit seiner Lehr vnd Leben geschafft/ vil Christen auß der Ketzerey beköhret/ die Catholischen gesterckt. Ist hernach vnder den Kaysern Marco Antonino/ vnd Lucio Aurelio Commodo/ auff einem Schawplatz/da alles Volck derselben Statt wider ihn schreye/ in ein feur geworffen worden. Als er aber vnuerlest blib/hat in einer mit einem Spieß durch- stochen/da dann sein vnschuldigs Blut/ so reichlich von ihm geflossen/das es das Feur außlöschet. Die Christen aber haben sein Leib zu Smyrna begraben. Es seind auch zwölff Jünger/ welche gemeltem Policarpo auß Pamphilia nachgefolget/ in gemeldter Statt mit ihm gemartert worden.

Item vnder derselben verfolgung zu Laodicea der heylig Marterer Theogenis/ sampt andern sechs vnd dreyßig mitgesellen/ welche den zeitlichen Tod verschmechten/ vnd die Kron des ewigen Lebens erlangten. Von diesem Theogene schreibt Sanct Augustinus.

Item

Anno Dñi
160.

Homil. de Pen-
necesse.

Item in Pariser Landschafft/ der heyligen Künigin Bathildis / so des Königs Lotharij Mutter gewesen / von welcher hernach am 30. tag dis Monats weiter.

In Griechenland des H. Beichtigers Xenophontis / der Gott fast liebete / vnd gegen den Armen sehr freygebig vnd barmherzig war / zog zum heyligen Land / übete sich in dem Klösterlichen leben / vnd mit grossen Gaben Gottes erfüllet / verschied er heyligklich im Herin.

Item die erhebung des H. Zenobij / Bischoffs zu Florenz vnnnd Beichtigers / von wellichem am 25. tag May weiter.

Item selige gedächtnuß der Junckfrawen vnnnd Claußnerin Haseke / welche bey der Kirchen Schermbeke sich gar eingeschlossen / vnd Gott allein mit grosser eifeltigkeit vnd gedult gedienet.

f vj. Calendas Februarij.

Der XXVII. Tag im Jenner.

Sicut ist der Geburtstag des heyligen / weitberühmten vnd hochgelobten Constantinopolitanischen Bischoffs vnnnd Lehrers Johannis Chrysostomi / welcher auff Teutsch haist Guldemund / dann er / von Antiochio geborn / war wunderbarlich in kunst / wolredheit vnd predigen : müß von den Keßern vnd seinen mißgönnern / nicht wenig geplagt vnd offte versagt werden : Als er das Bisthumb zu Constantinopel regieret / ist er auß anstiftung der Kayserin Eudorie vom Kayser Arcadio / zweymal ins ellend verschickt worden. Nach dem er aber vom Pappst Innocentio / als ein vnschuldiger wider auß dem ellend berüffe / vnnnd auff

D iij

dem